



## Angayokanguyup Unnirhiuta

### Kuviahukvikmi 2025



Kivgakturhugit ukkua KIA-kut Katimayit, Havaktii, tatvalu uvamnik uvanga tugaaktitakta tamaitnun iliffingnut koviahukuvluhi kayagitiakpakluhilu tatvani Kuviahukvikmi attoktitlgu.

Ukkalautilagumavluhilu kaoyimatkuvlulhi tatva ukkua KIA-kut

Havakviit umirhimaniaktut tatvanga havagoiyautaatni Kuviahukvikmi 16-mi akkuni tatvunga ublami Januali 5-mi 2026 angmaklutik.

Tunnumut kiviarihuta tatvani ukkiumi atoktumi, ukkalagumayunga tatva atkunautikarhimayugot tatvani KIA-kuni harimatjutigiyavut havagihimayapptingnik. Mamianaugaloak ayoknakmat, tatvani ukkiumi huli ikkaumaniaktugot tamaihimagapta tahapkunanga malrukniq pimariuyunik angutiniq katimayiohimayunik tatvani KIA-kuni illaukataohimavlutik ukkua; **Robert (Bobby) Greenley (Angayukak)** unalu **Attima Hadlari (Toglia Angayukap)**.

Taima tammaihiimatitluta itkaomanaktok tatva pikatigiyagiakaktavut hapkua nagligiyavut nayoklugit taima pimariungmat tatvalu kaoyimatkuayaffi tamaffi nayurhimaaklugit tahapkua nakligiyavut huli pimariungmata uvaptingnut tatva ikpirigitkuyavut tamaita innuhiptiniq akturhimayut kaoyimatkuvlugit pimariuyut ilingnut innuhiknut – tatvani Kuviahungnaktitlugu tatvalu huli tamaat ukkiuk nutaak tikkitiktitlugu.

Tatvani ukkiumi takkuhimayugot tatva angmaktiktautitlugu una B2Gold Goose-mi Gold-nik Uyagaghiokvik. Ukkua KIA-kut hatkitihimayut tahapkunanga Uyagaghioknikut Hannayiyurhanik Ilihautirhaitnik pitjutaoyurhanik havarhakiokutikhaitnik hapkua Kitikmeotait Inuit tahapkunani Uyagaghiokviyuni (una ilihautauyok hatkitaoniaktok malrukniq nunaliitni nutami ukkiumi Januali atolikat). Tatva uvanga ikpigitiarhugu harimagitiaktakta tahapkua 10-guyut ilihaktot innirhihimangmata tahapkunanga Hivulikniq Ilihautirhanik innitiarhujuk tatvani iliharhimangmata **Nunnap Ikkiangani Uyagaghioknikut iliharhimangmata tatvani Mining Ilihakpalikvianitni Aurora College-mi** hatkitaohimayok tahamna ilihautirhak manirhaktitaohimagamik tahapkunanga Agnico Eagle-kunit tatvalu B2Gold Nunavut-kut Uyagaghioktiniit. Tahapkua havaiyaotitlugit taima ukkua KIA-kut pitjutigiyait kanutoinak maniliurutikhanik tahamani nunaptini ikkayotaoniakmata Kitikmeotni Inuinakniq havarhakiokutikhaitnik uktokuvlugit.

Tahamna tunnirhimatjutigiyavut takkunakmiyok tatvani Innulikiyit tatvalu Iliitkuhiliikiyit Havakvianitni havagiyaitnik tatvani ukkiumi atoktumi tatvalu huli illaliutihimaliktitlugit tahapkua nutaat havaktirhavut tatvani havakviyomi (huli taitai havaktirhat illaliutiniakmiyut tatvani Nutami Ukkiumi). Uvagut tunnirhimayugot huli havagihimaaklugit tahapkua havarhat munagitjutirhat, tuhaktihimaaklugit, tammaktailinahuaklugitlu Inuit ukkauhiit iliitkuhikutaitlu tahapkunani nunaliitni.

Tatvani ukkiumi atoktumi huli takkuhimangmiyugot hatkititjutigivlugit nunaliitni ilihautirhanik uktokuvlugit tahapkua Kitikmeotni Inuinait pivaliutirhaitnik havarhakiokutikhaitniklo ayuikpalikuvlugitlu havarhanik kinnirhiatjutikhaitnik tatvalu iliitpalikuvlugit titirauhiit havarhakioknikut.

Tatvani 2026-mi, naunaipkutigivlugit tahapkua ublumi Ihuarhaktaohimayot Parnaiyaotikhavut, ukkua KIA-kut kinnirhianiakmiyut havaktirhakioklutik huli havakturhanik pivaliutikhaptingnik kivgakturhugit piyomayaitnik hapkua Kitikmeotait, tatvalu nunagiyaptini tatvalu innutivut tahamani pimariuyumi nunakatigiktunik angilgaumagivlutjuk.

Uvanga harimagitiaktaga tatva Angayukanguktitaohimagama tatvani KIA-kuni tatvalu huli havagiyaitnik ukkua KIA-kut ubluk tamaat kivgaktioivlutik ikkayotirhaitnik hapkua Kitikmeotait.

Uvanga niggiuktunga hivunirhami nutami ukkiumik tatvalu tuhaktitikatagomayunga iliffingnik huli tamaat tuhaktitjutirhanik.

Umiktiklugo, Uvanga pitkuiyunga tamaffingnik nakkuyumik unnaguirhikuvluhi kuviahokvikmi tatvalu koanaakpaklugit tahapkua innukutittit tatvalu itkaomatkuvlugitlu tahapkua tammaihiimayavut huirhimaliktot. Tatva angilgaumaniaguffi aullarhimaniaguffiluniit itkaumalugit hapkua ayurhaktut ikkayokpaklugit ukkauhinnikut uvalunin aittoklugit taima kuviahukuligitlu tatvani Kuviahokvikmi kuviahungnaktitlugu.

James Eetoolook Angayokak, Kitikmeot Inuit Katuyikagitig